

Cov Lus Hais Rau Tej Lus Nug Nqhuag Nug Txog Kev Tsim Koob Tshuaj COVID-19 Li Cas

Tej zaum koj twb hnov ntau yam txog koob tshuaj COVID-19 lawm. Peb xav los teb ib co lus nug qhia txog seb tsim tawm koob tshuaj COVID-19 li cas.

Ua cas tsim tau koob tshuaj COVID-19 sai ua luaj?

Ib txwm yeej muab koob tshuaj twg kuaj sim tias yeej nyab xeeb siv tau thiab ua haujlwm zoo ua ntej mam li muab tsim tawm kom ntau coj los siv. Vim muaj tus kab mob kis thoob qab ntuj, tsoom fww tau pab nyiaj, thiab cov kws tshawb fawb thiaj li ua tau ob yam no rau tib lub sijhawm. Cov koob tshuaj uas twb yeej muab kuaj sim thiab muaj pov thawj tias nyab xeeb siv thiaj li muab coj los siv xwb.

Lawv kuaj sim koob tshuaj COVID-19 li cas?

Yeej muab tag nrho cov koob tshuaj COVID-19 coj mus kuaj sim. Qhov no hu ua clinical trials. Txhua koob tshuaj yeej coj mus kuaj sim ntau tshaj li ib zaug. Thaum xub thawj, muab koob tshuaj coj mus sim rau ib pab pawg neeg tsawg tsawg ua ntej, ces mam li coj mus sim rau puas txhiab tus neeg tom qab. Cov neeg yeem los sim koob tshuaj no los ntawm ntau haiv neeg los. Yeej ua li no rau txhua koob tshuaj uas muab coj los kuaj.

Lawv pom zoo rau koob tshuaj COVID-19 li cas?

Ib pab kws kho mob tshaj lij mam li xyuas tej ntaub ntawv pov thawj ntawm cov koob tshuaj uas kuaj dhau txhua theem sim thiab lawv mam li xyuas seb tibneeg mloog lawv tus kheej zoo li cas tom qab txhaj koob tshuaj tag. Yog lawv nrhiav pom tias koob tshuaj yeej ua haujlwm zoo thiab nyab xeeb siv tau, ces koob tshuaj ntawd mam li tau kev pom zoo siv. Muaj coob tus kws tshawb fawb thiab neeg tshaj lij ntsuam xyuas tej ntaub ntawv txog kev nyab xeeb siv koob tshuaj COVID-19 thiab qhia seb lawv pom zoo li cas. Cov koob tshuaj uas yeej tau kev pom zoo lawm thiaj li muab coj los siv rau tibneeg xwb.

Leejtwg yuav yog cov mus txhaj koob tshuaj ua ntej?

Ib pab pawg saib xyuas rau koom haum CDC tau xyuas cov ntaub ntawv seb leejtwg thiaj li yog cov yuav mus txhaj tau koob tshuaj ua ntej. Cov tibneeg uas muaj kev phom sij siab heev los kis tau tus kab mob COVID-19 lossis cov neeg uas yog tias kis tau tus kab mob COVID-19 yuav ua rau nws mob hanyav heev yog cov uas xub thawj mus txhaj tau koob tshuaj ua ntej. Lub xeev Minnesota tau tsim tsa ib pab pawg neeg los saib xyuas kom cov koob tshuaj no muab faib tawm sib luag zos rau txhua tus thiab muab kev kho mob ncaj ncees rau txhua tus. Thaum tsim koob tshuaj no ntau zuj zus tuaj rau yav tom ntej, ces mam li txhaj tau ntxiv rau coob tus neeg.

Yog xav paub ntxiv txog koob tshuaj COVID-19, mus xyuas nyob hauv ceg saib xyuas kev noj qab haus huv (health department) lub vas sab.

Minnesota Department of Health
Communications Office
PO Box 64975
St. Paul, MN 55164-0975
651-201-4989
health.communications@state.mn.us
www.health.state.mn.us

2/9/21 (Hmong)

Yog xav tau cov ntaub ntawv no ua lwm hom, hu rau: 651-201-4989.